

**Zeitschrift:** Annalas da la Societad Retorumantscha

**Herausgeber:** Societad Retorumantscha

**Band:** 1 (1886)

**Artikel:** Las Dialas e l'Alp da Munt : dialect da Cierv, Val Müstair

**Autor:** Gross, T.

**DOI:** <https://doi.org/10.5169/seals-176390>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 11.08.2025

**ETH-Bibliothek Zürich, E-Periodica, <https://www.e-periodica.ch>**

## Las Dialas e l' Alp da Munt.

(Dialect da Cierv, Val Müstair.)

---

Ils Ciervalins o braînats, sco cha tschêts jàuers als snomnan, jaldan üna bell' alp. Intuorn l' onn 1860 füt cumprà ün contegn da prada per amegliorar l' èra. Amò da mes regord avêa quist' alp ultra si'era aint per ils plauns êr ün grond compress da prada chi gnâa laidada cun grascha del stâvel. Squasi mincha famiglia avêa ün o plüs tocs. La prûmavaira sa vezzêa ir aint e sü dallas Vôtas ün' intéra lingia manadüras cun cartuns e charrettas, mo senza tschivièrgias per mâninar or d' stâvel. Êr s-chirpa nun maunquêa nüglia. Quâ éran pâlas, e fuorchas per lâidar e büttar ôra, strusch per starschînar, rastês per mûndar ils prads, e scusâls, vons e sternêrs per clêar sü e pôrtar las mundadüras sü 'ls rövans e sün las muschnas.

Cur ils munts s' inverdîan, cur üna bell' erbetta cûernia ils plauns e la circondonta pas-chüra, e cur quista prada fêa spica (parada) cun sias fluors chi mosséan pitschmas ondas da varias colurs, illura gnian massêrs e massêras per far las massûras. Via pel di ils ommens àisals (lavurius) rizzêan (cuma-daivan) e fêan saif; ils daschüttels, femnas e vegls stêan in têa intuorn il fö e bras-chèr (chöttal) o as sezzêan sül tschisp dador l' alp as requintond ün a l' âter patüfflas, as cagliunond e 's tgnond per narr, intaunt cha la jûantüna as divertîa cun spass e jóss. La dumau e la saira éran in tauntas fatschendas: ils fioussers, muldschâders, paisadurs, scrivonts, sogn, sotsogn, vachèr, vadelèr e trôssler. Alla fin minch'ün lêa savair quauntas naidias (10 glivras) chi ha la zêndra e la sotzêndra e quauntas nodas o dafatta bé sduns chi ha il Cul (minima da lat).

Bain amô plü d' allegrament stêa la jûantüna cun ir ad alp a far cun fain. Mia jaja ma schuegliet (sdasdet) all' alba del di; mia mamnia clomet: „Char figl, sta \_ sü, bap \_ e 'l zéttar

„(prader) sun già sün alp chi sêan. Tschêș usfaunts e las mat-tauns passan sü da Frachas. Piglia la terna (chavagna) va sü „cul pischègn (culaziun); pü tard vegn êr jau cul jantâr e la „marenda“. Jau nun ma stramantèa dad ir, perchai cha jêa da jent. Cun stainta e fadîa ma rampignet sü per la blaisch da Pradamunt, aint pel truei della Sella, sot cripla, tras glèra e jonda. Arrivà sül prà, clomà il bap e loà ora il contenut della terna, nun am fet plü da strauni cha quella strunâda fagottâda m' avêa staunglantà in tal möd; perchai id êra aint fuatschas, strüzzels sfriclüs, da levà e da murdiòu, baschadellas e biscottins, tuortas e grassins. Dô avair spons blers chanvads cum-paran la mamma e 'l frar cun sbuorfs, süaduors e suffals por-tond ün bândel (terna lunga, senza conva, da perchas da salgèr) chi paisêa, schi la fai, amplamaing duos jâ taunt co mia terna. A tai lectur vögli ôssa pôttar chai anguoschas e furtünas ch' id êra quaint: Üna zücha d' vin, ün toc d' schambun, salzizs, cu-dagins e gliöngias da narom (fiò), charn d' oglia (crülla) pecharina, panzetta, s-chaina, lard e charn d' pursché, plains (chapuns) mufrîals (tatsch), micluns, vaischlas cul fier, peclas (pattlaunas); laprò amò ün quagl cun schoppa da jotta, fâvas, fisélas ed arbéglio cun chünschamaint, schafluns e piéssas (mangiet). Quista stramantusa marenduna nun êra bé per nû, mo bain ér per quês chi vêan glivrà e gnîan a jüdar sêar. Cusrin Jaquen jüdêa a suvrin Maini, jüst glivrà jêan tots duei pro basrin Clau, illura tots trai pro schensch (d'istess nom) Clotin; ingiûa gnîa insajà ün pà vin ed ailch paq della marendâ. Ischêa podèni tots glîvrar la seônda nell' istess 'ura (circa allas traïs), allin-cuntra las marendes bricha, siond quellas massa grondas. I gnîa fat grondas invidadas e bleras ceramonias. „Uei, schi nun farai d' impalmaints, piglià seo ch' id ês; mo bé ün micalet (pochet) etc.“ Las chaserinas mossêan pü jent ch' ellas haun ailch in lur jàdens (chaminadas) co esser sün Alp imbarazzadas. Sehabain la laûr glivrada é'l sulâi amò ât vi al tschêl, schi ingün nun bandunêa la cumpagnîa. Cun vainters taiss sa sdrajêan ora sül tschisp intêras brajadas per far üna buna jaschüda, pustüt scha'l taiimp êra bel.

Ün ommet vegl profittef da quista pezza vacanta e cloemet: „Tschà, mes buops, gnî cun mai; qui ora in mez la prada sa „vögli mòssar ailch“. Arrivats là, rodlet el davent ün pedrun e dschet: „Tschütà quista fora, bé guardà là da nun ir massa

„sur aint. Quella ès bain stretta, mo terribel foppa“. Sün quai cuêrnit el quista fora darchiau culla plattuna sco cun ün palantüff (bural). El aïns condüet illura ora sün l' ur della terrassa. Sot nu la gronda cripla, in fatscha la pizza da tschella vart della vallada e nel bass stêa per quel di quasi tot vöd ed abbandunà il cumünet da Cierv in mez sia bella cuttûra, tras la quala as storschìglia (serpagia) il jûan Rom. Quist aspet ans fet grond' impressiun ed attents taiclettan inavaunt ils pleds da mes padrin chi pisserusamaing ans admoniâ da nun ir mass' ora som ils prezipizis. Sper üna gronda sfessuna nella cripla chi consista da crap chalcherai as fermet el e dschet: „Dat „bain bàda; quâa, sco cha vezzâuet, va aint e jo sco üna spezia „piertan (sulèr); illura sco jo dad ün palantüff crodess ün sch' el „jess qui aint tot imprudaintamaing. Quista fora es d' ün' im- „mensa chauolezza. Per as persuâder büttà jo ün crap e fat „surasenn, vû sentirâuet cha quai rabomba sco sch' el jess a „pîchas jo per üna s-chala d' cuort d' üviout.“ Quai fût il cass e nû büttettan jo crappa plü co ün.

„Schi, schi mes uffaunts! Da temps vegls vivean aint in „quistas foras bellas femnas ch' ün las nomnêa Dialas, perquai „sa disch amò oz in di „las foras dellas Dialas“. Seo „al di d' oz, perfin a far eun fain, gnian ellas ora süls prads, „bainschi adüna ün pà retrattas dalla glioud. Ellas portéan „büschmaint' alba ed ün bel fazöl alb sül chiau. Er vi pel onn, „magari l' iviern cur il sulai splendurâ sün quista sassa, lö „sulaîv e retrat dal vent, schi sa vezzêa sü dal cumün co „ch' ellas mettêan a süar lur bellas laschivas d' ün dalanzöl „(biancaria) fin ed alb sco la naiv. Üna jada ün jûan s' ina- „muret in üna, perchai ellas éran taunt bellas. El la perse- „quitet e cun forza volet el la tschüffar, mo siond ischêa sul- „vadia el nun la clappet, bainschi ris-chet el da gnir sventürâ „sur quist prezipizi. Ün âter di cur cha nos tarat capitet quisü „e lêa darchiau s' avizinar alla Diala pompusa, ella al guinchind „exclomet cun gusch pichadusa: „Lascha'm ir per mias vias; „cuêsch'a'm pos e quaidezza e nun am distûrbar plü; insembel „cun vû âters umauns nun podaini viver!“ Mo quel dianter, „chézzar jûan nun podet tâschar chamö, flíppar, star a cuz e „chamoschina. El jet bajont e pottond dappertot. E per tôr ven- „detta pigliet el üna jattâ, la mettet in ün sach e la büttet jo „per quista fora. Ün omm chi êra miss jo süls prads da Pez-

„zamartina, al pé del munt e paq dalöntsch dalla fontauna „del Rom, pretendêa d' avair senti piôular sot il terrain la „gusch d' ün jat. Da quell' ur' invia nun sa vezzet plü Dialas. „Obbain cha quellas sun mortas ora, o chi füttan sparmaladas „(offaisas) da quist schnöss (dispet) e tegnettan per böñ da far „e tor ed ir per lur fats. Sà Diou ingiûa.“ Tots quist pleds taiclettan nû âters mattatschs cun interess e bôndar e nun im-blüdettan plü. Intaunt êra gnida l' ura cha tot jêa a bàita.

Tschella dumau, dô il di da sêar e scha 'l taimp (l' aura) êra bel, las patrunas, schurnalistas, maschneras ed uffaunts sa mettêan darchiau in via vers l' Alp per vôlschar il fain e sgiazzar ils viouts, mentre cha üna part dels ommens rizêan ils charrs ed âters ondschêan ils brözs (bierts), mêttêan sü las jommas tragliun, la cornèra, la jazeppa, l' àunta e 'ls süstrôms, jéan cun clavigliola, juf a calöz e schûnelas per metter sot a peer, e chi chi vêa bé ün elap bovatsch fêa trar a chiau cun jûncla, taschinna e tratschins. Cur cha tot êra pognà, schi podêa minch'ün méttar sot, perchai cha intaunt avêan êr il bauélg él sarâjer rispà e chatschà a chasa il tröpp da bovs, muéjas trimas e cutrimas. Circa allas desch sa mettêa üna schurma da manadüras in movimaint ed êra a mezdi casü. Scumbod ch'id êra fat insemel e chargià las spünehas, râinas, rainâtschs, ranüggels, raschladüras e tots ils vanzêts, partîa üna chàrgia dô l'âtra jo per quella via nascha e stippa. Per cha nun chatscha massa gnian serradas las rodas e scha quai nun bastêa gnian tachadas dô ils charrs cózzas da dàscha (zondra), o da palondas da müff (pinus uliginosa) liadas insemel cun chadainas e fermadas cul piz della tretschia via dal prassuoir. Pü stip chi jêa e pü cha'ls mats sezzêan jo sün quellas cózzas. Oh, cha gust per els; e pels creschüts ün grond divertimaint a vézzar tottas quellas bellas cumpîchas chi gnian fattas senza cha ningün sa fetscha uai (mal). Cun stâinta e strapatsch arrivêa minch'ün in ses tablâ. Ils parvezzâders pretendean cha'l fain d'alp êra ischêa bun seo l'argiör (rasdiv). Mo illura dalla s-chirpa jêa blera in malura: traversèglis, cónvas da juf, claviglias, astellas, erötschs, väiras, anês, gliòuschas, passês, staidâls, tschiérchels da rodas, schlusigls, razs e müsöls, spolas, râvels etc. Per blera da quista roba nun êra marschâi (donn), siond blera rüizia da bell'e dalla prüma mezz' in deróttta. Seh'id êra pussibel d'avair quella saira ils sunâders, schi gnia fat ün plaz da sun. Mattuns e mattauns, ommens e donnauns, bain

blers fêan lungas tràis-chas cur gnìa sunà la mastralìa o ûna líscha.

Per il solit cuéchan els alla stüa gronda da plaz üna dutscha quietezza fin al di della schàlpia. Il di avaunt vaun sün alp ils fiòusers (cho d' alp) paisadurs e scrivonts per pàisar la roba e far ils quints. Qua nun maunqua ne put, ne gromma, ne sòndas (flettas) painch. Spuntà l'alba del di seguaint ils massèrs sa faun da qua sü per tôr in consegna lur part schàlpia; intaunt ch'ün âter della chasada va cun la manadüra aint dò la via lunga. Vers saira vezzaini darchiau tuòrnar a val l'intéra rótscha da tragliùns. Incunter ad els vaun ils uffaunts cun bandèras scribladas da tottas colurs e scha il sogn ha dat las plü bleras nòdas painch par nàidia (sün 5 Kilos lat da masüras) in conguàl da tschès sogns della Val, schi cloman: „Il sogn dell'alp da Munt ha la bandèra.“ Illura vegnan las mattauns, al garneschan cun fluors e girlandas ed accumpognan tots cun musica e jübels jo e pel cumün ôra. Ossa la jûantüna profitta dalla musica per far il plaz da sun. Ils jûans pàjan ils sunàders e las juvnas pissereschan per la tschaina a mezza not e per il spech la du maun avaunt co ir a chà. La schàlpia vegn insajada; las buòras painch vegnan culadas in bröchs é'l's buns pizzóggels d'inrar imblüdats oppür sbüttats. Las, bellas chaschölas vegnan insaladas e missas in s hlèr; e dals tierms (tschigruns) chi nun vegnan tschincharts (regalats) a murdiòus ed âtra marmaglia, sto ün sgràttar jo la vélma e'l's insâlar; accio nun fetschan launa.

Quia vögl glîvrar, ischigliö mia descripzium ha plü da basögn da gnir tondüda co ils tierms dell'alp da Munt.

T. Gross.

---

## La caschada della Notg.

(Dialect da Rhazen.)

---

Ina gà er' ign sagneum, ca veva emblidau il caz da tschagreum egn tigia dell' alp tiegl scargà da quella. Pier egl vignì a tgià dati ad el egl tgiau ed el gi què ad ign mat, ch' era cugls curvets. Quel saporscha, schigè tard e liensch, teumateum da